



PRIMLJENO:	26 APR 2024	
Org. jed. Broj	Prilog	Priloge
01-GV-09-916/24		

Grad Sarajevo  
Gradsko vijeće Grada Sarajeva  
Predsjedavajući Gradskog vijeća Grada Sarajeva, gospodin Jasmin Ademović

**Predmet: Odluka Gradskog vijeća Grada Sarajeva o načinu korištenja, održavanja i čuvanja uređenih vodotoka na području Grada Sarajeva, broj: 01-GV-02-483/24 od 27.03.2024.godine**

Poštovani,

Na 38. sjednici održanoj dana 27.03.2024.godine, Gradsko vijeće Grada Sarajeva donijelo je Odluku o načinu korištenja, održavanja i čuvanja uređenih vodotoka na području Grada Sarajeva broj: 01-GV-02-483/24.

Predmetnom odlukom, tekuće održavanje, čišćenje i čuvanje vodnih objekata i uređenih korita u vlasništvu Grada povjerava se JP "Sarajevo" d.o.o., te se JP "Sarajevo" d.o.o. obavezuje da u roku od tri mjeseca od stupanja na snagu ove odluke izradi elaborat o ekonomskoj opravdanosti reorganizacije JP "Sarajevo" d.o.o. radi izvršavanja povjerenih poslova.

Prije svega, smatramo da je jedini odgovarajući i ispravan, te odgovoran pristup rješavanju predmetne problematike trebao biti da se organi JP "Sarajevo" d.o.o. direktno obavijeste i pozovu na učešće i odgovarajuću raspravu u cilju donošenja predmetne odluke, a sve to zbog razjašnjenja i prevazilaženja otvorenih pitanja.

Ovo je naročito važno jer je, prilikom pokretanja inicijative Gradskog vijeća za prenošenje određenih javnih poslova ovom preduzeću, u Oktobru 2022. godine, nadležnoj službi Grada Sarajevo JP "Sarajevo" d.o.o. poslalo Upit za dostavu određenih podataka u cilju pripreme traženog elaborata. Na taj Upit, nadležna služba Grada Sarajevo, nikada nije odgovorila a istovremeno, bez obavještavanja i uključivanja organa JP "Sarajevo" d.o.o., vodila je postupak donošenja predmetne odluke kojom se tekuće održavanje, čišćenje i čuvanje vodnih objekata i uređenih korita u vlasništvu Grada povjerava JP "Sarajevo" d.o.o.

Posljedica je da je usporen postupak izrade elaborata o ekonomskoj opravdanosti reorganizacije JP "Sarajevo" d.o.o. jer izradi istog nije moguće pristupiti bez prikupljanja određenih informacija/podataka a najmanje slijedećih:

- 1) Koja vodna dobra i koji vodni objekti su u vlasništvu Grada Sarajeva, a za koje Grad Sarajevo osigurava zaštitu, održavanje, čuvanje i čišćenje u okviru svoje nadležnosti?  
U tom smislu, molimo da nam se, kao neophodno, dostavi odgovarajuća dokumentacija o pravu vlasništva Grada Sarajeva na predmetnim vodnim dobrima i vodnim objektima, iz nadležnog zemljišnoknjižnog ureda kao i nadležnih katastarskih operata.
- 2) Navesti odluke, aktivnosti i mjere koje Grad Sarajevo preduzima na uređenju voda, vodotoka i korita, zaštititi od zagađivanja i zaštititi od štetnog djelovanja voda odnosno odluke, aktivnosti i mjere čija je svrha da se izgrađeni vodni objekti održavaju u funkcionalnom stanju i koriste u skladu sa njihovom prirodom i namjenom, da se čuvaju od slučajnog ili namjernog oštećenja ili uništenja, izmjenjuju rekonstruišu i grade, u skladu sa potrebama, planovima i mogućnostima.

Također, pored toga, posebno molimo da nam se dostave informacije i izvještaj o realizaciji trogodišnjeg plana Grada Sarajeva na čuvanju, održavanju, korištenju i zaštiti uređenih vodotoka koje je Grad Sarajevo obavljao i vršio u proteklom periodu, kao i informacije sa izvještajem o realizaciji godišnjeg plana čuvanja, održavanja, korištenja i zaštite vodotoka, sa konkretnim mjerama, aktivnostima i rezultatima.



- 3) Koliko sredstava Grad Sarajevo godišnje troši za finansiranje upravljanja vodama odnosno za održavanje, čišćenje i čuvanje vodnih objekata i uređenih korita u vlasništvu Grada i iz kojih izvora su ta sredstva obezbijedena?
- 4) Da li je vršen inspekcijski nadzor nad provođenjem Zakona o vodama Kantona Sarajevo i Zakona o vodama FBiH, i propisa donesenih na osnovu tih Zakona? Šta je utvrđeno inspekcijskim nadzorom ukoliko je isti vršen?
- 5) Molimo da se dostave:
  - 5.1 Akt Ministarstva privrede Kantona Sarajevo sa određenim granicama vodnog dobra za površinske vode II kategorije, sa granicama vodnih dobara i ograničenjima za aktivnosti na vodnom dobru upisanom u zemljišni katastar, u skladu sa članom 4. Odluke Gradskog vijeća Grada Sarajeva o načinu korištenja, održavanja i čuvanja uređenih vodotoka na području Grada Sarajeva.
  - 5.2 Rješenje Ministarstva privrede Kantona Sarajevo kojim se utvrđuje pripadnost vodnog dobra javnom dobru za površinske vode II kategorije iz stava 1. člana 7. Odluke Gradskog vijeća, sa propisom federalnog ministra o načinu i uvjetima ograničenja prava korištenja iz stava 3. vezano za stav 1. člana 7. Odluke Gradskog vijeća, zajedno sa podacima o granicama vodnog dobra upisanim u zemljišni katastar prema čl. 8. stav 3. Zakona o vodama FBiH.
- 6) Obzirom da se radi o upravljanju nad imovinom, objektima i dobrima, koja su vlasništvu Grada Sarajevo, smatramo prijeko potrebnim, zakonitim i obavezujućim, da se pribavi i da se dostavi mišljenje Pravobranilaštva Grada Sarajevo o svim pitanjima i po svim tačkama, navedenim u Odluci Gradskog vijeća Grada Sarajeva broj: 01-GV-02-483/24 od 27.03.2024.godine.
- 7) Predmetnom odlukom nije precizirano iz kojih će se sredstava, počev od 01.01.2025 godine, finansirati poslovi povjereni JP "Sarajevo" d.o.o.?  
Da li je Predlagač odluke planirao finansiranje povjerenih poslova bazirano na vlastitim sredstvima JP "Sarajevo" d.o.o. ili u realizaciji ovoga plana sredstvima učestvuju Grad/opštine/Kanton/Federacija ili/i sredstva prikupljena iz vodne naknade?
- 8) Odlukom nisu precizirani osnovi ni principi na kojim će JP "Sarajevo" d.o.o. vršiti povjerene poslove i zadatke, bez čijeg definisanja nije moguće pristupiti izradi elaborata o ekonomskoj opravdanosti reorganizacije JP "Sarajevo" d.o.o.  
Ti osnovi i principi određuju najbitnije elemente elaborata:
  - a) posjedovanje odgovarajuće opreme i sredstava rada za obavljanje povjerenih djelatnosti,
  - b) raspolaganje odgovarajućim objektima u svrhu zakonitog obavljanja povjerenih poslova i djelatnosti,
  - c) raspolaganje odgovarajućim stručnim kadrovima koji mogu obezbijediti stalno, kvalitetno i zakonito obavljanje povjerenih djelatnosti,

\*\*\*\*\*

Predlažemo da, poslije prikupljanja traženih informacija/dokumentacije organizujete sastanak sa nadležnom službom Grada Sarajeva na kojem bi se usaglasila navedena i eventualno druga otvorena pitanja nakon čega bi bilo moguće pristupiti izradi traženog elaborata o ekonomskoj opravdanosti reorganizacije JP "Sarajevo" d.o.o.

Prijateljski pozdravi,

Direktor

Bakir Hadžiomerović

Dostaviti:

- Naslovu
- Služba za urbano planiranje, investicijske, stambene i komunalne poslove Grada Sarajeva, na pažnju gđe. Merime Arifhodžić, pomoćnice gradonačelnice
- Gradonačelnica Grada Sarajeva, gđa. Benjamina Karić
- Arhiva.